




**XIV
Alcuentros
de Músiques
Asturianes**

**21 MAYU_12 XUNU
2026**

Patiu del CCAI

XIV Alcuentros de Músiques Asturianes

Nel mundu del arte, facilítense dacuando los alcuentros como una oportunidá pal arriquecimientu mutuu y pa ofrecer esperiencias úniques y diferentes al públicu. Nesta edición de los Alcuentros de Músiques Asturianes afóndase nes interaiciones musicales que se dan ente artistes, pesie a les diferencies xeográfiques, xeneracionales o estilístiques, con conciertos en formatu pequeñu (dúos y tríos). Amás, preséntase la última edición del Anuariu de la Música Asturiana, onde tán les distintes manifestaciones al rodiu del fechu musical asturianu qu'asocedieron en 2025. Pa rematar, la nuestra visión de la «tarde en danza al mou Xixón», puntu d'alcuentru ente persones aficionaes a la música y, sobre manera, al baile.



PROGRAMA

21 MAYU_12 XUNU 2026

Patiu del CCAI

Xueves 21 de mayu, 19:30 hores **Presentación del Anuariu de la Música Asturiana 2025 (Xicu Ariza & Xune Elipe)**

Xueves 28 de mayu, 19:30 hores **Buir (Ambás, Vero Rubio & Pepín de Muñalén)**

Martes 2 de xunu, 19:30 hores **Mapi Quintana & Marcos Baggiani**

Xueves 4 de xunu, 19:30 hores **Ún de Grao & Rodrigo Martínez**


Martes 9 de xunu, 19:30 hores **Alicia Villanueva & Carlos Velasco**

Vienres 12 de xunu, 19:00 hores **A BAILLAR: Tarde en danza al mou Xixón**

Taller de baile (19:00 hores)

Leirana (Nel Villanueva) (20:00 hores)

María Trubia & Pau Santirso (21:15 hores)





XUEVES 21 DE MAYU

Presentación Anuariu de la Música Asturiana 2025 (Xune Elipe & Xicu Ariza)

PATIU CCAI | 19:30 HORES

L'Anuariu de la Música Asturiana lleva más de venticinco años publicándose y ye un preséu fundamental de la escena del país.

Los responsables del equipu de redaición, Xune Elipe y Xicu Ariza, presenten el volume correspondiente al añu 2025; darréu van facer una audición comentada del discu que lu acompaña, nel que queda reflexada la diversidá estilística y sonora de la música fecha n'Asturies.

XUEVES 28 DE MAYU

Buir

PATIU CCAI | 19:30 HORES

Buir ye'l grupu formáu por Xosé Ambás, Pepín de Muñalén y Vero Rubio, que recueye y revisa la tradición asturiana trayéndola a la nuestra época actual.

El reportoriu d'esti trabayu sigue la filosofía del grupu *Tuenda* nel que l'Archivu de la Tradición Oral d'Ambás (ATOAM) apurre los materiales, munches veces inéditos, del so trabayu de campu. Un reportoriu variáu a nivel llingüísticu, xeográficu y temáticu.

Ye una apuesta novedosa na qu'Ambás y Pepín, vieyos compañeros de *Tuenda*, s'arimen al trabayu brillante de Vero al pianu.



MARTES 2 DE XUNU

Mapi Quintana & Marcos Baggiani

PATIU CCAI | 19:30 HORES

La cantante Mapi Quintana (Mieres, 1976) y el baterista Marcos Baggiani (Buenos Aires, 1973) axúntense nesta ocasión pa enredar con poemas y cantares n'asturianu dende la improvisación llibre. El resultáu ye efímeru y impredecible.

El repertoriu faise nesi momentu a partir de dalgo estableció que pue ser un poema, un cantar, una asturianada, un testu, una historia... La pauta ye la improvisación llibre, polo tanto pue apaecer, por exemplu, una deconstrucción d'un cantar conocíu, una creación dende cero o un desarrollu d'un ritmu tradicional.

La dinámica ye escuchar y reaccionar a lo que se siente polos oyíos y poles emociones.



XUEVES 4 DE XUNU

Ún de Grao & Rodrigo Martínez

PATIU CCAI | 19:30 HORES

De la voz fonda que brota d'una tonada universal y íntima, de la mirada que recueye la memoria con manes nueves naz, como un abrazu, l'alcuentru ente Ún de Grao y Rodrigo Martínez.

Dos músicos que dialoguen col pasáu ensin señaldá, que traviesen la tradición con una sensibilidá contemporánea, ensin munchu artificiu, pero con una carga espresiva contundente.

La so propuesta, ente la reconstrucción y la invención, tresforma l'escenariu, aura de la música, nun espaciu íntimu, vibrante y catárticu, onde la tradición se vuelve presente.



MARTES 9 DE XUNU

Alicia Villanueva & Carlos Velasco

PATIU CCAI | 19:30 HORES

Carlos Velasco y Alicia Villanueva lleven venceyaos al mundu del folklore dende neños (instrumentos, baile, canción). Dambos campeones del Premiu d' asturianada Obdulia Álvarez «La Busdonga», busquen nun perder la esencia de la tonada pero apurriéndu-y aire nuevo y fresco y acompañándola tamién con otru tipu d'instrumentos como la guitarra.



VIENRES 12 DE XUNU

A BAILLAR: Tarde en danza al mou Xixón

PATIU DEL CCAI

Taller de baile

19:00 H

Nel Villanueva -acompañáu de l'asociación Muyeres por Grau- va arrancar esta Tarde en danza al mou Xixón. Da igual que tengas más o menos ritmu o que pises como'l quirosanu del cantar a la to pareya; si t'animas vas ser quier a echar unos bailles y a pasalo perbién.



VIENRES 12 DE XUNU

A BAILLAR: Tarde en danza al mou Xixón

PATIU DEL CCAI

Leirana

20:00 HORES

Esti proyeutu músical fechu pol multiinstrumentista y profesor de folclor Nel Villanueva, naz col enfotu de dar promoción y visibilidad a la cultura tradicional asturiana, amosando los sos años d'esperiencia y les sos vivencies nesti mundu de la cultura tradicional.

Ye un proyeutu centráu nel repertoriu de baille y pandereta pero tamién acompañáu por dellos instrumentos (curdión, gaita, guitarra eléctrica, etc.) too pensao pa facer unes bones fileres de baille sueltu y unos bonos agarraos na pista de baille.

Nesti concierto nun va tar solu sinón acompañáu polos músicos Satur Vega y David Fernández.



María Trubia & Pau Santirso

21:15 HORES

María Trubia y Pau Santirso, con trayectories destacaes nel ámbitu de la música y la danza tradicional asturiana, presenten un espectáculu participativu dirixíu a tolos públicos.

La propuesta pon en valor el patrimoniu cultural al traviés del usu de pandeiros, cantu y baille, fomentando la implicación activa ente les persones asistentes.

Mientras l'actuación, el públicu va poder deprender y acompañar delles melodíes tradicionales.

Una iniciativa qu'axunta tradición y divulgación cultural nun formatu accesible y dinámicu.





XIV Alcuentros de Músiques Asturianos

21 MAYU_12 XUNU
2026

Centru de Cultura Antiguu Institutu (CCAI)
c/ Xovellanos, 21
33201, Xixón

Oficina de Normalización Llingüística
985 18 13 89
llinguaasturiana@xixon.es

 @linguaxixon

 facebook.com/ofillin

 Youtube: Taller de Músicos Gijón/Xixón
